



CULTURA CLASSIC

Vicente Costalago

Índex

<u>Ancian Grecia</u>	3
Geografie	3
Historie	4
<u>Ancian Roma</u>	12
Geografie	12
Historie	12
<u>Lingue</u>	17
Lingues indo-european	17
Li civilisation indo-european	18
Lingue grec	18
Lingues italic	20
Lingue latin	20
<u>Litteratura</u>	21
Litteratura grec	21
Litteratura roman	24

Ancian Grecia

Geografie

Grecia es situat in li extrem sud del peninsul Balcanic e li peninsul del Peloponeso. Li region geografic quel li grecos ocupat posse esser dividet in quar partes:

- Grecia continental: format per Macedonia, Tesalia, Focida, Beotia, Attica e Peloponeso.
- Grecia insulari: format per li insules del Mar Egean.
- Grecia asian: Eolia e Ionia, con Troya, Focea e cités quam Mileto, Efeso e Halicarnaso.
- Grecia colonial: del Ponto Euxino (Mar Nigri) til Marseille, Empuries e Roses, passante trans Italia sud (Napoli), Sicilia, Corsica, Albania e Cirenaica (Libia).



Historie

Ancian Grecia

Civilisationes minoan e micenean



Palace de Cnossos

Li orígenes del cultura grec es in Creta, u un grand cultura developat: li civilisation minoan (2500-1600 a.C.). Ti civilisation devenit rich per su comercie e hegemonie in li mar. It conosset li scrittura (sistema síllabic lineal A) e constructet palaces, quam li palace de Cnossos.

In li annu 1600 a.C., li acheanes, avansante desde Europa central, arivat al region grec e developat li cultura micenean (1600-1100 a.C.). Li miceneanes organisat litt

reyatus, de qui chascun esset governat per un rey con potentie absolut. Ili conosset li armas de bronze e li carres de guerre. Ili conquestat Troy in li annu 1250 a.C. Ili aprendet li sistema de scrittura (sistema síllabic lineal B) e parlat un dialecte ancian quel devenit li grec classic. On remarca li cités de Tirinto e Micene.



Porta del Leon in Micene

Li era obscur (1100–800 a.C.)

Inter 1200 e 1100 a.C., li centres micenean esset brulat e destructet per li invasion doric. Li conossetie del ferre auxiliat les. Li invasion comensat un periode conosset quam li era obscur: li usation del escritura desaparit e li

fontes de conossentie diminuet. In ti era li acheanes migrat al insules e costas de Anatolia.

Li era arcaic (800–500 a.C.)

Li era arcaic esset un era de crises politic e social important, in quel li structura del cités o "polis" consolidat se.

Li crise demografic, li manca de terres o povritá del popul, principalmen paisanes, fat que alcun cités fundat colonias in altri locos, proxim al Mar Nigri e in li Mediterranean.

Li aparition del moneta in li annu 600 a.C., facilitat li activitá comercial e fat que un classe nov aparit: li mercatores e artesanos. Tis, con li paisanes, promovet luctas social contra li aristocratie quel guvernat les. Ti luctes fat que li aristocrates perdit directes.

It evenit un renescentie cultural:

- Li scrittura reaparit, plu simplic quam li anterior: li alfabet.
- Temples esset constructet e li sculptura extendet, con *kouroi* e *korai* (sculpturas rigid).
- Li poesie epic e lyric aparit. Anc li filosofie.
- Li Ludes Olympic esset celebrat por li unesim vez in 776 a.C.

In li fine de ti-ci era, du cités comensat esser plu important quam li altris: Athenas (in Atica) e Sparta (in li Peloponeso).

Grecia classic (500–336 a.C.)

Li guerres medic

Li cités de Ionia (Anatolia) revoltat contra li persanes e petit auxilie al grecos al altri látere del Mar Egean. Talmen comensat li guerres medic:

- Unesim guerre medic (492–490 a.C.): Li atenanes directet per li general Miltiade, rejectet li atacca del rey Darío in Maraton.
- Duesim guerre medic (480–478 a.C.): In Termopilas, li rey Leónidas e tri centenes spartan, esset victet per li persanes de Xerxes, qui destructet Athenas. Quamcunc, li marina grec victet al persanes in li battallie de Salamina, mersí al strategie del general Temistocle.
- Triesim guerre medic (468–449 a.C.): Kimon de Athenas victet contra li persanes in li fluvie Euridemonte. Al fini, li pace esset subscript.

Li hegemonie de Athenas

Con li objective de defender se del ataccas futur del persanes, Athenas creat in 477 un Liga de Delos (alliantie militar de cités grec). In un témpor, ti alliantie devenit un imperie quel beneficiat al athenanes, qui extendet li democratie tra li Mar Egean e luctat contra li spartanes.

Li hegemonie de Sparta del Guerres del Peloponeso

Per luctar contra li Liga de Delos, Sparta creat li Liga del Peloponeso. Ambi luctat in li Guerres del Peloponeso.

Li causas de ti-ci guerres esset:

- **Politic:** Athenas e Sparta havet programmas politic contrari. Athenas favorit li democratie e imposat su imperialisme ma Sparta favorit li proprietarios de terras e respectat li autonomie del alliatos.
- **Economic:** Competentie comercial inter Athenas e du rivales: Corinto e Megara, alliates de Sparta.

Hay tri periodes de guerres quel finit con li victorie de Sparta, quel imposat su hegemonie súper omni grecos.

Li hegemonie de Tebas

In Athenas e altri cités on havet revoltas antispartan. Li Liga Beotian, ductet per Tebas e directet per Pelopidas e Epaminondas, victet li spartanes in li battallia de Leuctra (371 a.C.).

Li hegemonie de Tebas desaparit con li morte de Epaminondas in li battallia de Mantinea (362 a.C.). Athenas recuperat ma li grecos esset victet del macedonianes.

Grecia posclassic

Alexandro li Grand

Profitante del Guerres del Peloponeso, Filippo 2 de Macedonia convertet su reyatú in li nov potentie de Grecia. Li battallia de Queronea (338 a.C.) le permisset

adjunter Athenas e Tebas. Su filio Alexandro consolidat li modelle macedonian.

Alexandro li Grand esset educat de Aristoteles. Il leet Homeros, li poetes lyric e li autores dramatic. Talmen, Alexandro obtenet un cultura classic quel le convertet in un grec modellic. Su matre convictet le que il esset descendente de Heracles per su patre e de Achilles per ella.

Quande il havet 18 annus, il participat in li battallia de Queronea e destructet li tebanes guidante li cavalleros macedonian. Pos li morte de Filippo (336 a.C.), il succedet su patre con duantdu annus. Tebas e Athenas pensat que ili posset liberar se del macedonians e revoltat contra Alexandre quande il esset luctant contra li barbares in li nord.

Ma Alexandro assediat Tebas e destructet li cité in 335 a.C. Ti-ci victorie parat li altri revoltas grec.

Li battallia de Granico in 334 a.C. le apertet li portas de Anatolia. Trans Capadocia, il descendet a Cilicia e destructet li persianes in Issos (333 a.C.). Egiptia benevenit le quam un liberator e cedet le honores divin. Quande il arivat al oases de Ammon, li sacerdotes le confirmat su origina divin.

Expansion del Imperie Macedonian



Max extension del Imperie de Alexandro li Grand

In li sam annu, 332 a.C., il fundat Alexandria, ma un annu plu tard il abandonat Egiptia. Li victorie de Gaugamela (331 a.C.) le dat li control de Babilonia, Susa e Persepolis, cités contra queles il ardet con venjantie pro li destruction del Acrópolis per li persianes 150 annus ante. Alexandro necessitat du annus in plu por finir con li resistentie persian.

In Asia Central, il diriget se al rivere Iaxartes e fundat un altri Alexandria (Alexandria Escate). Li conquesta del regiones de Bactria e Sogdiana (329-327 a.C.) esset desfacil e Alexandro supreset un revolta (c 10 000 mortes). Proxim al fluvie Hifasi su armé revoltat e il devet retornar.

Li armé de Alexandre retornat a Susa (324 a.C.), u il maritat li filia de Dario e comandat maritages mixtet inter su generales e li féminas del popules conquestat. Ti

politica de absorption fat que il perdit li confidentie de mult macedonians.

In 323 a.C. il amaladat se in Babilonia e morit pos alcun menses.

Hellenisme (323-330 a.C.)

Alexandro ne electet su successor. Su potentie passat a su generales qui provat mantener li unitá del imperie.

In 175 a.C. li dominiones de Alexandro devenit reyatus separat. Omni generales morit e li division esset talmen:

- Ptolomeus 2 controlat Egiptia, alcun insules del Egee e li sud de Siria.
- Antiochus 1 creat un reyatu con li provincias del ancian imperie persian.
- Antigonus controlat Macedonia e Grecia.

Pos alcun annus, li reyatu de Pergamo esset creat per Atalus 1.

In Epiro, li ultim reyatu esset creat, quel havet su cime con Phyrus.

Al finale del secul 1 a.C., Roma comensat li conquista del Balcanes e del Egean. Al comense del secul a.C., li reyatu de Macedonia dependet de Roma. In 188, Roma adjuntet li majoritá del terras del seleucos de Anatolia. Li reyatu de Pergamo esset donat quam heritage al romanos per

Atalus 2, in 133 a.C. In 148, Grecia esset conquestat per Roma, quel dominat it por mult seculos.

Ancian Roma

Geografie

Li cité de Roma, situat in li medie del peninsul italian in li region de Latium, esset li lulluore del civilisation roman e un del cités li maxim important del monde ancian.

Ancian Roma se extendet tra sett colines súper un planura balneat per li Fluvie Tiber. Li cité nascet in un passage de vias per queles divers regiones comunicat, e quel esset a 35 km del costa. Ti permisset al romanes navigar li fluvie e vader al mar, traversante li portu de Ostia.

Si on situa Roma in un scala global, on posse mostrar que in li ancian monde li cité havet un situation geografic e strategic avantageosi. Li peninsul italian es situat in li centre del Mediterranean, e ti-ci permisset que li romanes accedet a divers territorias e les controlat facilmen.

Historie

Li monarchie: li orígines de Roma

Li orígines de Roma es un confusion inter li realitá historic e li fantasie litterari usat per exaltar li opinion del popul roman pri se self. Alcun historicos roman

important, quam Titus Livius, extendet legendes súper li foundation del cité queles ne coresponde con li factes real.

Li legende li maxim extendet explica que Roma esset fundat in li annu 753 a.C. per Romulus e Remus, du gemelles descendent del heróe troyan Eneas. Su filio Ascanius fundat li reyatú de Alba Longa. Un de su descendentes esset Numitor, ex qui su fratre Amulius prendet li tron. Rhea Silvia, filia de Numitor, esset dedicat al cultu de Vesta e obligat a remaner vírgine. Ma li deo Marte se inamorat de ella, e de ti-ci union nascet Romulus e Remus.

Secun li narration, ci-ti du fratres esset abandonat in li Fluvie Tiber por que ili nequande mey reyer, ma ili esset salvat per un lupa e curat per un pastor. Quande, ya adultes, ili descobrit lor orígine real, ili subvertet li rey e reposset in li tron a Numitor. Ili fundat Roma in li loco u ili esset curat. Secun li tradition, Romulus devenit li unesim rey del cité, e Roma devenit un monarchie.

Realitá historic

Li legende ne narra omni actes historic, pro que in realitá Roma comensat formar se in li secul 9 a.C., quam resultate del union de popules del pastores qui habitat in Lazio. In li secul 6 a.C. li romanes esset conquestat per li etruscs, qui venit de un region al nord del Lazio nominat Etruria. Ili modernisat Roma.

In li annu 509 a.C., un revolta popular finit con li reyes etrusc e li governa republican esset etablisset in Roma.

Li Republica

Extension de Roma in li Republica

Del secul 5 a.C., li romanes comensat campanias militar e diplomatic con li rest del peninsul italian con li objective de conquistar li popules qui habitat ta. Inter ti popules esset li latines, que habitat in li Lazio; li samnites, qui habitat in li regiones montaniosi del centre de Italia; li etruscs, qui habitat in li nord de Italia; e li Magna Grecia, quel esset li parte sud del peninsul italian. Li cité de Tarento, vidente que Roma avansat al sud, contractat Pirrhus e su mercenarios por detener les. Pirrhus victet li romanes ma il esset victet in Benevento (275 a.C.) e retornat a su país.

In 264 a.C. Roma controlat li peninsul italian ma ante devenir potent devet dominar li Mediterrean. Con ti-ci objective Roma devet conquistar Cartago, un colonia punic in li nord de Africa, hodie Tunisia. Li cartagianes hat constructet un imperie in li Mediterranean occidental e Roma volet destructer le. Pos tri guerres, Roma ardet Cartago.

Pos to, Roma devenit interessat in li Mediterranean oriental. It victet li reyes hellenic de Macedonia (197 a.C.) e de Siria (190 a.C.) ma it abstenet de un domination direct por quindecim annus. Al fine, it anexet Macedonia e su provincias. In 133 a.C. li rey Atalus de Pergam lassat su reyatú al romanes quam heritage, e it devenit li provincia de Asia.

In 31 a.C., li Republica Roman, quel ante un poc hat conquestat Gallia, devenit li potentie mediterranean li maxim important in li Antiquitá.

Li conquestas republican favorit al patricios, e li povres esset chascun die plu povri. Li fratres Gracus volet meliorar ti situation ma Tiberius Gracuas esset assassinat per li Senat, qui pos to, promovet un rebellion contra su fratre Caius. Li guerres civil extendet tra li secul 1 a.C.

Inter li annus 59 e 43 a.C., Roma hat un tetrarchie, un sistema quel volet unir in un unic government li generales maxim prestigiosi, per evitar guerres civil. Tamen, li du tetrarchies finit con guerres civil. Li unesim (59-52 a.C.) esset format per Julius Cesar, Pompeius y Crassus.

Pos li morte de Julius Cesar, un tetrarchie ex Octavius, Lepidus e Marcus Antonius esset format. Tis dividet li potentie talmen:

- Africa per Lepido, qui vell retirar a su vive privat.
- Oriente e Egiptia per Marcus Antonius.
- Octavius governat li parte occidental, quel includet Hispania e Africa nord.

Octavius vadet a Egiptia e acusat Marcus Antonius de esser un trahitor. In li battallia de Actium (31 a.C.), il victet Marcus Antonius e in 29 a.C., pos li suicidie de Marcus Antonius e de Cleopatra, Octavius intrat a Roma quam victor e prendet omni potenties quam imperator. Talmen finit li Republica e comensat li Imperie.

Li Imperie: splendore e decadentie de Roma

Desde li comense del Imperie, un serie de dinasties governat Roma: li dinastie julio-claudian, con imperatores quam Tiberius, Caligula, Claudius e Neron; li dinastia flavia, quel governat pos un guerre civil in 64 d.C., con imperatores quam Vespasian, Titus e Domitian; li dinastie antoninan con Nerva, Trajan, Hadrian, Antoninus Pius e Marcus Aurelius. Pos li morte de Comodus, un nov guerre civil evenit in 182. Inter 193 e 253, Roma esset governat per li dinastie severan, quel defendet li frontieras. Li potentie imperial dependet del arme. Inter li 235 e 284, Roma devenit un anarchie con imperatores guvernant mult litt témpor chascun vez.



Max extension del Imperie Roman con Trajanus (117 p.C.)

Desde li secul 3 d.C., li Imperie Roman intrat in crise. Alcun del problemas quel aparit esset:

- Li corruption se extendet inter li functionarios, li armé e li imperatores.
- Alcun popules barbar comensat ataccar li frontieras del Imperie Roman. Ti-ci popules venit del nord de Europa e esset li ostrogotos, li wisigotos, li vandales, li frances, etc.
- Li extension del Imperie Roman fat desfacil li communicationes inter Roma e li territorias.
- Li comercie e li artesanerie suffret un crise. Li persones rich invertet in terras.
- Li precios del productes augmentat.
- Li impostes augmentat por mantener li arme e li administration.

Per salvar li Imperie, li imperator Teodosius dividet it in du partes: li Imperie Roman de Occidente, con capitale in Roma e quel il donat a su filio Honorius, e li Imperie Roman de Orient, con capitale in Constantinópolis e quel il donat a su filio Arcadius.

Li Imperie Roman de Occidente ne suportat li crise e esset invadet per li popules barbar til que it desaparit in li secul 5 d.C.

Lingue

Lingues indo-european

Desde li secul 17, alcun investigadores notat similitás inter li vocabulariums de lingues ancian como li latin, li grec e li persian.

In li medie del secul 18, William Jones comensat a studiar li sanscrit e videt que it hat trates morfologic e sintactic simil a tis del latin e li grec ma anc simil al gotic e al celtic.

Pos descobrir ti-ci similitás, William Jones deduit que ti lingues partenit a un mem familie linguistic.

Thomas Young creat li terme "indo-european" in li annu 1813 e Friedrich von Schlegel e Franz Bopp developat li comparison scientific de omni lingues de Europa e ti del ancian India.

Li majoritá del lingues de Europa parteni a ti-ci familie. Alcun exceptiones es li basc, li hunar, hungar, li maltes e li georgian.

Li civilisation indo-european

Li popul indo-european vivet in Europa central e Siberia. Por su vocabularium, on deducte que ili ne savet navigar ma ili conosset li cavallo, li carro e li bove.

Ili organisat in tribus e li chef del familie esset li patre. Ili esset alt e blond e havet li oculos blu. Su religion esset animiste.

Lingue grec

Li grec es un lingue indo-european quel es parlat in Grecia hodie. In li Antiquitá i hat quar dialectes:

- Ionian, quel es li basse del lingue de autores como Homer o Herodot.
- Atican, un variante del anterior, in le qual li maxim del ancian ovres grec es scrit.
- Dorian
- Arcado-cipriot.

Del union de Grecia sub Filipus de Macedonia, li ancian dialecte devenit un lingue litterari in Grecia e extendet con lo conquestat de Alexandro li Grand. Ti-ci lingue esset nominat "koine" o "comun". It esset li *lingua franca* del munde hellenistic, e li Nove Testament esset scrit in it.

Del secul 6 d.C., li cambios quel eventit in li lingue accelerat. Li trates principal del grec modern esset format in li secul 12.

A α	B β	Γ γ	Δ δ	E ε	Z ζ	H η	Θ θ
alpha	beta	gamma	delta	epsilon	zeta	eta	theta
a	b	g	d	e	z	ē	th
I ι	K κ	Λ λ	M μ	N ν	Ξ ξ	O ο	Π π
iota	kappa	lambda	mu	nu	xi	omikron	pi
i	k	l	m	n	ks, x	o	p
P ρ	Σ σ ζ	Τ τ	Υ υ	Φ φ	Χ χ	Ψ ψ	Ω ω
rho	sigma	tau	upsilon	phi	chi	psi	omega
r, rh	s	t	u, y	ph	kh, ch	ps	ō

Alfabeto grec

Tamen, li lingue quel usat li erudites per scrir esset li grec classic. In facte, til alcun decennies ante hodie, li grec hat du variantes principal:

- Li lingue popular o *dimotiki*, parlat per omni grecos e devenit oficial in Grecia in 1976.
- Li *katharevousa*, quel nequí parla, ma quel esset li lingue oficial e li lingue del erudites per scrir.

Lingues italic

Al fini del duesim millennie, li indo-europanes arrivat a Italia in du etapes:

- li latines, qui colonisat li Fluvie Tiber e li region Lazio.
- li oscs e umbres, qui colonisat altri partes de Italia.

Altri lingues parlat in Italia esset:

- Li etrusc, un lingue non-indo-european parlat in li Lazio e in Italia occidental ante del expansion del latin.
- Li gallo, un lingue celtic parlat in li nord-west.
- Li grec, parlat in li sud.

Ti lingues desaparit con li expansion del latin.

Lingue latin

Li latin extendet su area de influentie quande li romanes conquestat plu territorias.

Ti lingue evoluet tra li historie e su grammatica es different del grammatica de Occidental. In latin, li substantives, adjectives e pronomines cambia su final per expresser relationes semantic on li rest del frase. Li collection de formas que un nómine, adjectiv o pronomine pote har es un declination. Chascun del formes declinat es nominat casu: li latina ha six casus e quin declinationes. Li nómines ha géneres, quel pote esser masculin, feminin o neutri.

Li verbe no ha formas composit e ha quar conjugationes (con altri litt e mixtirat).

Litteratura

Litteratura grec

Litteratura oral e poesia epic

Li max ancian poesies del litteratura grec es li *Ilias* e li *Odissé*, del secul 8 e.C. Támen, ti poesies es li conclusion de un long tradition de poesie epic oral de quel resta nequó. Ili esset cantes per honorar li heróes de epoca passat, mantenet per li aedos e rapsodies. Li aedos ne havet li textu scrit, ma ili inventet denov li cante chascun témpor que ili cantat it. Li rapsodies havet un textu scrit. Alcun autores importante de ti-ci periode esset:

- Homeros (secul 8), autor del *Ilias* e li *Odissé*. Li *Ilias* raconta li cólera de Achilles in li Guerre de

Troya e li *Odissé* raconta li revenida de Odisseo a Itaca.

- Hesiodos es li autor del *Teogonie*, un narration del regnes de tri deos qui guvernata li monde: Uran, Cronos e Zeus. Ti-ci es li max conosset variante del obtention del autoritá de Zeus. *Labores e dies* es un ovre quel consilia pri taches agrari.

Poesie lyric

Li poesie lyric nascet in Anatolia in li era arcaic (secul 7 a.C.). Alcun autores lyric esset:

- Safo de Lesbos (secul 7 a.C.), qui composat poesies de amore, expresset de forme facil e passionant.
- Pindaros (seculos 6-5 a.C.) de qui on conserva poesies de elogio al victories del ludas.
- Solon de Athenas (seculos 7-6 a.C.) es li representative principal del elegie.

Teatro

Al finale del secul 6 a.C., divers formas de teatro comensat developar in li monde grec: tragedie, comedie e drama satiric. Li scritores principal de tragedie esset Eschilus, Sofocles e Euripides.

- Eschilus (524–456 a.C.) scrit li *Oresteia*, compassat de *Agamemnon*, *Li coeforos* e *Li eumenides*.

- Sofocles (496–406 a.C.) pensat pri li destine e li dolor homan. On conserva sett tragedies de queles on remarca *Antigone*, *Edipo rey* e *Edipo in Colono*.
- Euripides (485–406 a.C.) have personages con sentes homan. On remarca su ovres *Medea*, *Hipolitus* e *Li féminas troyan*.

Li scritores de comedie principal esset Aristofanes e Menandro. Aristofanes scrit *Li nubes*

Prosa

Historiografie

Li autores principal de historiografie esset:

- Herodotus de Halicarnaso (490–425 a.C.), con su *Historie*, quel narra li guerres persian.
- Tucidades (454–400 a.C.), qui scrit un *Historie* in ott libres. It parla pri li Guerre del Peloponeso.
- Xenofon de Alexandria (428–350 a.C.) continuat li ovre de Tucidades con su *Historie grec*. On remarca anc su *Anabasis*.

Retorica

Li retorica devenit important in Athenas con li democratie. Li retoricos principal esset Demostenes (383–322 a.C.) e Isocrates (436–338 a.C.). Li novelle es li ultim genere quel apare in li litteratura grec. On remarca *Dafne e Cloe* de Longo (seculo 2 d.C.).

Litteratura roman

Poesie epica

Li unesim textus de epopé latin esset scrit per Livius Andronicus (284–204 aec), Gneus Nevius (275–202 aec) e Quintus Ennius (239–169 aec).

Vergilius es li max important autor epic. Il scrit li *Eneide*, un epopé national quel combina li Odissé in su six unesim capitules, e li Ilias in su six ultim capitules. Il scrit anc li *Bucolicas* e li *Georgicas*.

Poesia lirica

Li poetes lyric principal esset Catulus (87–54 aec), Horatius (65–8 aec), Tibulus (50–19 aec), Propertius (50–15 aec) e Ovidius (43 aec–17 ec).

Li ovres lyric de Horatius es li *Epodos*, poesies satiric, e li *Odas*, in quel il canta pri amore, amicitá e li vive. Li ovres de Ovidius es desfacil per classificar, pro que illi have divers temas. On remarca *Ars Amandi* e *Metamorfoses*, un poesia que descri li creation e historie del monde.

Teatre

Li scritores principal de comedie esset Plautus (254–184 aec) e Terentius (190–159 aec).

On conserva 21 comedies de Plautus. Su comedies es soluet per li sclavo protagoniste.

Luciu Anneus Seneca (4 a.C.-65 d.C.) es li max important autor roman de tragedies. Il esset un filosof stoic. On conserva deci ovres de ti autor, de quel nin have un tema grec influentiat per Euripides.

Prosa

Historiografie

Li unesim autor qui scrit historiografie in latin esset Caton (234-149 a.C.), autor de *Originas*. In li epoca republican li max important autores esset Julius Cesar, Sallustius e Cornelius Nepos.

- Julio Cesar (101–44 a.C.) narrat su campanias militar contra li gallos in *Pri li Guerre del Gallia*, e li guerre contra Pompeius in *Comentaries pri li guerre civil*.
- Sallustius (87–35 a.C.) scrit monografies pri actes individual. On remarca *Li guerre de Catilina* e *Li guerre de Iugurta*.
- Cornelius Nepos (100–25 a.C.) scrit *Pri homes famosi*, un narration con biografies de generales nonroman quam Temistocles e Epaminondas.
- Titus Livius (64 a.C. – 17 d.C.) scrit 142 libres dividet in decennies in queles il narra li historie de Roma del ariva de Eneas.
- Tacitus (c 55–120), autor del *Historie* (106–109), narrat li eventus del morte de Ciceron til li morte de Domitian, e li *Annales* (117), quel narra li regne de Tiberius til Neron.

- Suetone (70–140) publicat li *Vives del decudu cesares*, biografies con detallies individual del governatores roman desde Cesar til Domitian.

Altri historicos es Polibius (205–120 a.C.), Strabon (64 a.C.–24 p.C.) e Plutarchus (50–120 ec).

Retorica

Li retorica esset tre important in Roma. Li autor principal esset Ciceron (106–34 a.C.), de qui on remarca *In Verrem*, sett discurses contra Verres, guvernator de Sicilia, accusat de corruption; e anc *In Catilinam*, quar discurses contra Lucius Sergius Catailina, qui conspirat por obtener li potente quande il ne hat esset electet quam consul.

Pos Ciceron, Marco Fabio Quintiliano (30–100 a.C.) scrit *Institutio Oratoria*, quel es li max important libre de retorica del monde roman.

Omni images veni de Wikimedia Commons